

le labno ku joi le kanba je verba

i xe fanva lo rusko je ranmi bo lisri fo lo rusko zei bangu
fu la solnen lurgus



ni'o le kanba puzuki mamta le
so'o verba .i le kanba di'i klama
le ricfoi tezu'e lonu citka loi
silka srasu gi'e pinxe loi lenku
djacu .i mo'u lonu ky cliva kei
lei verba cu ga'orgau fi le zdani
.ije na cliva zy

.i xrukla fa le kanba gi'e

vrodarxi gi'e sanga cusku lu

coi doi verba ko kargau

e'o gi'e toltelgau

i le mamta cu xrukla gi'e bevri loi ladru

i je flecu loi ladru fi'o pluta le tatra

i le tatra loi ladru fi le sufti cu velfle

i le dertu co cilmo fo le sufti cu terfle

li'u

.i lei verba cu kargau le vorme fo le mamta .i ri ctigau gi'e
pixygau vau le verba gi'e za'ure'u klama le ricfoi .ije lei kanba je
verba cu mutce ga'orgau

.i le labno cu mipri tinju'i le se ke sanga cusku be le kanba .i
mo'u lenu ky cliva kei le labno cu bajra klama le zdani gi'e rufsu
voksa krixu cusku lu

*coi doi verba
i doi kanba
i fa ko kargau
i ko toltelgau
i le mamta cu bevri loi ladru
i le sufti cu tisna loi djacu*

li'u

.i lei kanba je verba ku danfu cusku fi le labno fe lu *mi'a tirna .i ge mi'a tirna gi ku'i na voksa le mamta .i le mi'a mamta cu sanga fi'o voksa lo tolruksu .i do na simsa* li'u

.i le labno uonaisaidai cu klama le jinme gunka dinju gi'e cpedu lonu galfi le galxe lo tolruksu voksa galxe .i le jinme gunka cu galfi le galxe .i le labno cu za'ure'u bajra klama le zdani gi'e mipypu'i vo'a le dzitricu

i le kanba cu xrukla gi'e vrodarxi gi'e cusku lu

*coi doi verba ko kargau
e'o gi'e toltelgau
i le mamta cu xrukla gi'e bevri loi ladru
i je flecu loi ladru fi'o pluta le tatra
i le tatra loi ladru fi le sufti cu velfle
i le dertu co cilmo fo le sufti cu terfle*

li'u

.i lei kanba je verba cu kargau fo le mamta gi'e tavla fi le nu le labno cu klama gi'e citka be le verba be'o troci

.i le kanba cu ctigau gi'e pixygau vau le verba gi'e mutce cpedu
be fi ri be'o cusku lu *ko na kargau le vorme fo lo klama be le
zdani be'o poi rufsu voksa tavla gi'e na cusku ro le se cusku be
mi li'u*

.i mo'u lenu le kanba ku cliva kei le labno cu klama le zdani gi'e
vrodarxi gi'e tolruksu voksa cusku lu

*coi doi verba ko kargau
e'o gi'e toltelgau
i le mamta cu xrukla gi'e bevri loi ladru
i je flecu loi ladru fi'o pluta le tatra
i le tatra loi ladru fi le sufti cu velfle
i le dertu co cilmo fo le sufti cu terfle*

li'u

.i lei kanba je verba cu kargau le
vorme .i le labno cu sutra nerkla
le zdani gi'e citka le verba .i ku'i
pa po'o le verba cu mipypu'i ri le
toknu



.i le kanba bazaki xrukla .i ri ze'u
sanga gi'e ze'u tavla .ije ku'i
noda dafsku

.i le kanba cu zgana lenu le vorme cu kalri .i bajra nerkla le zdani
.i noda poi verba cu zvati zy .i zgana le nenri be le toknu gi'e
penmi pa le verba

.i co'a lonu le kanba ku djuno fi le betri be ri kei ky zutse le stizu
gi'e co'a traji badri gi'e co'a klaku gi'e cusku lu

*uiNAIcai doi KANba je RO'odai VERba
mu'l ma do KARgau gi'E bo tolTELgau
i JE do le LABno co KUSru ku LEBgau*

li'u

.i le labno cu tirna le se sanga gi'e nerkla le zdani gi'e cusku fi le
kanba fe lu *mu'i ma do cusku le sedu'u mi fuzme .i mi na citka le
do verba .i ko sisti lenu badri .i e'o mi'o surla lonu litru le ricfoi*
li'u



.i le kanba e le labno cu klama le
ricfoi .i le kevna cu zvati le ricfoi
.i le fagri cu zvati le kevna .i le
kanba cu cusku fi le labno fe lu
*doi labno .i e'o troci lonu plipe le
vu korbi be le kevna .i ma ba
jinga* li'u

.i co'a plipe .i le kanba cu snada
lenu plipe .i le labno co'a plipe
gi'e ku'i farlu le glare kevna

.i le betfu be le labno cu spoja ri'a tu'a le fagri .i ro le kanba je
verba ku noi jmive cu sutra cliva le betfu gi'e plipe le mamta .i ri
e le verba cu xruti fi le pu'u purci ji'efri

ifa'o